

Suami isteri mengaku tidak bersalah atas beberapa pertuduhan kesalahan seksual terhadap anak saudara berusia 16 tahun

KUCHING: Sepasang suami isteri mengaku tidak bersalah atas beberapa pertuduhan berasingan melibatkan anak saudara perempuan mereka yang ketika itu berusia 16 tahun termasuk rogol, serangan seksual, memberi ubat tidur serta merakam video seksual membabitkan mangsa.

Suami berusia 45 tahun itu terdahulunya mengaku tidak bersalah di hadapan Hakim Iris Awen Jon atas pertuduhan merogol, melakukan serangan seksual fizikal terhadap mangsa.

Pertuduhan bagi kesalahan-kesalahan itu masing-masing dibuat mengikut Seksyen 376(3) Kanun Keseksaan, Seksyen 14(a) Akta Kesalahan-Kesalahan Seksual Terhadap Kanak-Kanak (SOACA) 2017 dan Seksyen 377C Kanun Keseksaan.

Ketiga-tiga pertuduhan itu dibaca bersama Seksyen 16(1) SOACA 2017.

Iriskemudiannya menetapkan 6 Oktober 2026 untuk pengurusan kes.

Sementara itu, isterinya, 42, mengaku tidak bersalah di hadapan Hakim Musli Ab Hamid sebaik didakwa mengikut Seksyen 14(a)



DIDAKWA: Polis mengiringi pasangan suami isteri tersebut keluar dari salah satu kamar Mahkamah Sesyen selesai sebutan kes semalam.

SOACA2017, Seksyen 377CA Kanun Keseksaan dan Seksyen 328 Kanun Keseksaan.

Seksyen 14(a) SOACA dan Seksyen 377CA Kanun Keseksaan itu dibaca bersama Seksyen 16(1) SOACA 2017.

Dia didakwa melakukan serangan seksual fizikal terhadap mangsa dengan melakukan beberapa tindakan menjijikkan tanpa kebenaran mangsa dan memasukkan empat biji pil tidur ke dalam

minuman mangsa dengan niat hendak melakukan kesalahan.

Musli menetapkan 28 September 2026 untuk pengurusan kes membabitkan wanita tersebut.

Dalam prosiding berasingan di hadapan Hakim Mursyida Abd Halim pula, pasangan suami isteri tersebut mengaku tidak bersalah merakam video mereka melakukan aktiviti seksual dengan mangsa, dengan niat hendak menghasilkan

bahan penganiayaan seksual kanak-kanak.

Pertuduhan dibuat mengikut Seksyen 5 SOACA 2017 dibaca bersama Seksyen 16(1) akta sama, dibaca bersama Seksyen 34 Kanun Keseksaan.

Mursyida menetapkan pengurusan kes pada 6 Oktober 2026 bagi kes ini.

Sementara menunggu tarikh sebutan kes berikutnya, kesemua Hakim Mahkamah Sesyen Kuching memerintahkan pasangan suami isteri terbabit untuk direman lanjut di penjara Puncak Borneo. Berdasarkan kertas pertuduhan, kesemua kesalahan itu didakwa dilakukan mereka di sebuah rumah di Batu Kawa, Padawan pada Mei 2025.

Difahamkan, ibu mangsa membuat laporan polis setelah dia dikatakan menerima video memaparkan kedua-dua mangsa melakukan hubungan seks dengan anaknya (mangsa).

Pendakwaan dilakukan secara berasingan oleh Timbalan Pendakwa Raya (DPP) Chuah Kai Sheng dan dua DPP lain, sementara pasangan terbabit diwakili peguam.